

Møteprotokoll

Utval: Jostedalsbreen nasjonalparkstyre
Møtestad: Gloppen hotell
Dato: 04.03.2019
Tidspunkt: 10:30 – 15:00 pluss to timar førebuing.

Følgjande faste medlemmar møtte:

Namn	Funksjon	Representerer
Karen Marie Hjelmeseter	Medlem	SFj Fylkeskommune
Venke Kollbotn	Medlem	Gloppen kommune
Einar Målsnes	Medlem	Balestrand kommune
Ivar Kvalen	Leiar	Luster kommune

Følgjande medlemmar meldte forfall:

Namn	Funksjon	Representerer
Sven Flo*	Nestleiar	Stryn kommune
Marius Dalin	Medlem	Førde kommune
Jarle Aarvoll	Medlem	Sogndal kommune
Oddmund Klakegg	Medlem	Jølster kommune

Følgjande varamedlemmar møtte:

Namn	Møtte for	Representerer
Vibeke Johnsen	Jarle Aarvoll	Sogndal kommune

Følgjande varamedlemmar meldte forfall:

Namn	Representerer
Kari Synnøve Muri	Stryn kommune
Turid Vallestad	Førde kommune
Ragnhild Sæle	Jølster kommune

Merknader

* Sven Flo var med på telefon under styrehandsaminga av sak 4/19 om storselet i Sunndalen.

Frå administrasjonen møtte:

Namn	Stilling
Anne Rudsengen	Statens naturoppsyn Jostedalsbreen
Bente Støa	Nasjonalparkforvaltar
Tor Arne Hauge	Nasjonalparkforvaltar frå 23. april 2019
Maria Knagenhjelm	Nasjonalparkforvaltar

Underskrift:

Vi stadfester med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

_____ Ivar Kvalen _____ _____ Vibeke Johnsen _____

ST 1/19 Godkjenning av innkalling og dagsorden

Saksprotokoll i Jostedalsbreen nasjonalparkstyre - 04.03.2019

Handsaming i møte

Ei sak vart ettersendt etter sakspapirfristen, jf. vedtektene, men vart godkjent til å handsamast. Ingen merknadar til innkalling og dagsorden.

Vedtak

Samrøystes vedteke.

ST 2/19 Val av styremedlem til å skrive under protokoll i lag med styreleiar

Saksprotokoll i Jostedalsbreen nasjonalparkstyre - 04.03.2019

Handsaming i møte

Ivar Kvalen foreslo Vibeke Johnsen til å skrive under protokollen i lag med styreleiar.

Vedtak

Samrøystes vedteke.

ST 3/19 Orienterings- drøftings- og referatsaker

Saksprotokoll i Jostedalsbreen nasjonalparkstyre - 04.03.2019

Handsaming i møte

Styret drøfta sakane og tok dei til vitande. Til neste møte i Rådgevingande utval må ein ha nok tid til ei erfaringsrunde rundt bordet.

ST 4/19 Jostedalsbreen nasjonalpark - sak om Storselet i Sunndalen - ny handsaming

Saksprotokoll i Jostedalsbreen nasjonalparkstyre - 04.03.2019

Handsaming i styret

Samrøystes vedteke for det sekundære framlegget til innstilling.

Jostedalsbreen nasjonalparkstyre ville vidare ta initiativ til dialog med Stryn kommune som planmynde etter plan- og bygningslova, slik at bygget ikkje blir ståande og forfalle vidare, men blir pålagt riving. Forvaltar vurderte i møtet at styret i utgangspunktet ikkje har heimel til å påleggje riving etter verneforskrifta.

Vedtak

Jostedalsbreen nasjonalparkstyre tek opp vedtakssak [38/17](#) til ny handsaming og vil omgjere eige vedtak jf. forvaltningslova § 35 første ledd, bokstav c.

I samsvar med verneforskrifta for Jostedalsbreen nasjonalpark, punkt 1.1, første ledd, gir Jostedalsbreen nasjonalparkstyre med dette avslag på løyve til Anders Folven, til riving/gjenoppbygging av storsetlet til G/bnr 17/3, Anders-bruket, på Sunndalssetra i Stryn kommune.

Avslaget er grunngjeve med at Jostedalsbreen nasjonalparkstyre vurderer saka som ei nybyggingssak, då bygget er så dårleg halde ved like at det må rivast før det kan byggjast opp att. Som eit heilt nytt bygg stiller nasjonalparkstyret strengare krav, og vurderer at turisthytta skjønsmessig ikkje er i tråd med byggeskikken på staden.

ST 5/19 Jostedalsbreen nasjonalpark - utvida løyve til landing ved Skålabu 2019-2022 - Bergen og Hordaland turlag

Saksprotokoll i Jostedalsbreen nasjonalparkstyre - 04.03.2019

Handsaming i styret

Jostedalsbreen nasjonalparkstyre vil invitere både Bergen turlag og Skåla Opp til eit styremøte ein gong.

Samrøystes vedteke i tråd med innstillinga.

Vedtak

Med heimel i verneforskrifta for Jostedalsbreen nasjonalpark § 4.3 utvidar Jostedalsbreen nasjonalparkstyre løyvet til Bergen og Hordaland turlag (sjå styresak 30/17) til 10 turar med helikopter per år for perioden 2019 – 2022. Jostedalsbreen nasjonalparkstyre endrar også løyvet til å gjelde månadene mai og august-november

denne perioden. Bergen og Hordaland turlag fordelar dei ti turane mellom vår og haust ut i frå eigne vurderingar.

1. Løyvet gjeld inntil ti landingar/dropp med helikopter ved Skålabu, traseen skal følgje kortaste veg via Breng i Lodalen til Skålabu.
2. Løyvet gjeld månadene mai og august-november kvart av åra 2019 - 2022, utanom laurdagar, sundagar, heilagdagane og offentlege fridagar.
3. Løyvet gjeld for transport av ved, gass, proviant og anna naudsynt utstyr for drift av hytta, samt nedflyging av avfall frå utedo. Dersom det trengs folk til å ta i mot underhengande last frå helikopteret, må disse ev flygast opp innan den same ramma på ti turar. Løyvet gjeld ikkje persontransport ned igjen i frå Skåla.
4. Helikoptertransporten skal avgrense seg til det som er strengt naudsynt, og være mest mogeleg konsentrert i tid. Om mogeleg, bør flyginga gå føre seg tidleg på føremiddagen eller seint på ettermiddagen.
5. Bergen turlag skal samarbeide med arrangør av Skåla Opp, slik at dei kan samordne sitt transportbehov til felles hiv.
6. Under helikoptertransporten skal det takast omsyn til dyreliv og folk på tur i området.
7. Statens naturoppsyn ved Anne Rudsengen (mob: 95963888) eller nasjonalparkforvaltaren (mob: 93664256) skal varslast seinast dagen før planlagt flyging.
8. Løyve til helikoptertransport skal takast med under transporten.
9. Jostedalsbreen nasjonalparkstyre skal ha skriftleg tilbakemelding innan 1. desember kvart år om gjennomført helikoptertransport. Rapporten skal skildre tal hiv, dato, kva som vart transportert og ev andre observasjonar.

Vi gjer merksam på at det i tillegg til dette løyvet trengs løyve til motorisert ferdsel frå Stryn kommune og grunneigar.

ST 6/19 Jostedalsbreen nasjonalparkstyre - drift av styre og årsplan for 2019

Saksprotokoll i Jostedalsbreen nasjonalparkstyre - 04.03.2019

Handsaming i møte

Styret vurderte om 20. mai kunne være ein betre dato enn 21. mai. Styret diskuterte ulike mogelegheiter for synfaring i samband med besøksstrategiarbeidet og opninga av Tungestølen den 6. september. Dersom det ikkje er store saker i juni vert dette møtet sløyfa. Telefonmøte er til nauds, det beste er å møtast eller nytte videomøte. Mai-møtet kan bli langt, då styret skal ta stilling til både forvaltningsplanen og besøksstrategien før oversending til Miljødirektoratet for godkjenning før høyring.

Vedtak

Nasjonalparkstyret skal møte jamleg i 2019 for å arbeide vidare med forvaltningsplanen og besøksstrategien, gjere vedtak i dispensasjonssaker og følgje opp tiltak i nasjonalparken som kan bidra til å styrke verneverdiane. Styret planlegg følgjande årshjul som utgangspunkt:

- 4. mars: Styremøte på Gloppen hotell (bestillingsmøte 2)

- 21. mai: Styremøte med tema besøksstrategi og forvaltningsplan, ev synfaring i Haugadalen dersom snøen har gått
- Juni: Telefonmøte, ev. styremøte med synfaring i Haugadalen
- August/September: Styremøte/synfaring i samband med opning av nye Tungestølen
- Oktober: Møte med rådgjevande utval, offisiell opning av driftevegen i Sunndalen
- November/desember: Styremøte i Sogndal (bestillingsmøte 1)

Fleire møte er avhengig av om viktige, store hastesaker dukkar opp som treng heile styret sin vurdering.

Jostedalsbreen nasjonalparkstyre skal, innan ramma på kr 300 000,- ha god drift og aktivitet i 2019, og det enkelte medlem skal sende inn krav om møtegodtgjersle og reiseutgifter etter kvart møte.

Jostedalsbreen nasjonalparkstyre skal nytte dei løyvde planmidlane på kr 200 000,- til følgjande:

Forvaltningsplan – prosess (kart, møte, ev. layout)	kr 50 000
Hubroregistrering	Gratis
Kartlegging - fugl	kr 80 000
Skjøtselsplan - kulturlandskap	kr 70 000
Totalt	kr 200 000

Sekretariatet får fullmakt til å gjere mindre endringar mellom disse tiltaka og planane, og skal rådføre seg med styreleiar ved usikkerheit/større endringar.

ST 7/19 Jostedalsbreen nasjonalparkstyre - prioritering av tiltaksmidler for 2019

Saksprotokoll i Jostedalsbreen nasjonalparkstyre - 04.03.2019

Handsaming i møte

Framlegg til fordeling vart lagt fram jf. innstillinga, og styret syntes det var positivt at det kom fleir midlar til tiltak i år enn i fjor. Etter styremøtet sender sekretariatet ut pressemeldingar for å skape merksemd om tiltaka. Vibeke Johnsen spurte om det hadde vore ei auke i tal flaumskader, noko fleire på styremøtet kunne stadfeste.

Vedtak

Jostedalsbreen nasjonalparkstyre vedtek følgjande fordeling av tiltaksmidler for 2019:

Reparasjon av flaumskade mot Bødalsseter	20 000
Oppgradering av driftevegen mot Sunndalssetra	600 000
Sti og bru i Haugadalen	30 000
Reparasjon av flaumskade på bru i	20 000

Austerdalen/Lodalen	
Reparasjon av flaumskade på bru i Ruteflotdalen	20 000
Mogeleghetsstudium Bøyabreen	100 000
Mogeleghetsstudium, plan, tiltak for Supphellebreen	100 000
Reparasjon av flaumskade/forsterking av bru i Sunndalen	20 000
Uthenting av søppel i nasjonalparken	35 000
Reparasjon av flaumskade på bru i Erdalen	55 000*
	1 000 000

**nytt tiltak etter at tiltaksplanen vart vedteke i nov. 2018.*

Mindre endringar i fordelinga kan sekretariatet handsame om det skulle dukke opp nye moment/endra føresetnadar på dei enkelte prosjekta. Forvaltar bør rådføre seg med styreleiar dersom det er større endringar på kort varsel, eller dersom ikkje er kapasitet til å følgje opp alle prosjekta. Styret blir fortløpande orientert om prosjekta i løpet av året.

Viss det dukkar opp trong for midlar til nye, større tiltak utover sommaren kan nasjonalparkstyret v/ sekretariatet be om om ekstra løyvingar i supplerande tildelingsrunder. Dette gjeld også 21-posten som gjeld midlar til forvaltningsplan/ besøksstrategi.

Fem ferdselsteljarar blir fordelt ut i frå kor styret treng meir kunnskap om besøksutviklinga.

RS 1/19 Rapport 2018 - Jostedalsbreen nasjonalpark - Motorferdsel til Flatbrehytta - ref 18/1568 FMSF

RS 2/19 Motorisert ferdsel på Jostedalsbreen i samband med snømålingar

RS 3/19 Spørsmål om overtredelsesgebyr

RS 4/19 Jostedalsbreen nasjonalparkstyre - referat frå dialogmøte 2017 - rådgjevande utval

RS 5/19 Jostedalsbreen nasjonalpark - referat frå dialogmøte 2018 - rådgjevande utval og administrative kontaktpersoner

RS 6/19 KLD Klage på Miljødirektoratets avslag på Visit Nordfjord sin søknad om tilskudd fra tilskuddsordningen Nasjonale Turiststier til stiprosjekt

RS 7/19 Nasjonal turiststi - søknad om autorisasjon for Nigardsbreen - Luster kommune

RS 8/19 Høring - Jostedalsbreen Nasjonalpark - Stryn - Forskrift om forsøksordning med catskiing på Tystigen

RS 9/19 Sak - Breheimen nasjonalpark - Forskrift om forsøksordning med catskiing på Tystigen i Stryn - Stryn kommune.

RS 10/19 Om helikopterlanding i samband med speedriding på Avleinsfjellet

ST 8/19 Jostedalsbreen nasjonalpark - avslag på søknad om flyging med drone i samband med tv-produksjon - Nordisk Film og TV AS